

Siunnersuummut nassuiaatit

Nassuiaatit nalinginnaasut

1. Aallaqqaasiut

2022-mut aningaasanut inatsisissap isumaqatiginninniutigineqarnerani Ineqarnermut Attaveqaasersuutinullu Naalakkersuisoq inissiaqarnermut suliassaqaarfimmi aningaasalersuisarnermut aaqqissuussinerup nalilersuiffiginissaata sularinissaanik peqquneqarsimavoq. Nalilersuineq marlunnut avinneqarsimavoq, siullerlu november 2023-mi tunniunneqarsimalluni.

Nalilersuinerup immikkoortuani siullermi paasissutissat atortussallu kommuninit tunniunneqartut tunngavigalugit illuliortitsinerup aningaasalersuisarnermut aaqqissuussinerup kommunit sularinnittarnerat atuisarnerallu pineqarpoq. Nalilersuinerup immikkoortuani siullermi inerniliunneqartut Namminersorlutik Oqartussat kommunillu akornanni artornartunut suliassanullu agguataarisarnerup tunngatillugu innersuussutissanut arlalinnut tunngaviliippat.

Nalilersuinerup immikkoortuata tulliani suliassaqaarfimmut inatsisit inatsilerinikkut misissuiffiginissaannik kiisalu aaqqissuussinerit allaffissornikkut aqutsinikkullu kommunit naalakkersuisoqarfiullu misilittagaannik tunngaveqarput. Kommunit aaqqissuussinerup allaffissornikkut sularinissaanut akisussaasuupput, naalakkersuisoqarfillu inatsisip paasinissaanut akisussaasuulluni.

2. Siunnersuummi immikkoortut pingaarnerit

2.1 Najugaqarfissatut atuisarneq

Malittarisassat atuuttut malillugit inissiaq taarsigassarsititsinikkut tunniunneqartoq Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaat naapertorlugu inuussutissarsiornerup atoqqusaanngilaq, matumani inuussutissarsiutit namminersortut mikinerusut eqqaassanngikkaanni. Inissiaq pisortanit taarsigassarsiat atorlugit inuussutissarsiutit atorneqarpat taarsigassarsiarineqartoq akiligassanngortinneqassaaq. Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaat atuuttumi § 28 innersuussutigineqarpoq.

Inissiaq Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaat naapertorlugu taarsigassarsiat atorlugit tunniunneqartoq taamaallaat piginnittumut taassumalu inoqutigiiwinut imaluunniit attartortumut taassumalu inoqutigiiwinut najugassatut atorneqarsinnaanera erseqqissaavigineqassasoq siunnersuutigineqarpoq.

Inissiamik piginnittup imaluunniit attartortup taassumalu inoqutigiivinit inuussutissarsiutinik namminersortunik mikinerusunik ingerlatsisinnaassasut siunnersuutigineqarpoq.

Allanguutissatut siunnersuummut nassuiaatini suut inuussutissarsiutitut namminersortutut mikinerusut ingerlatatut isigineqarnersut suullu inuussutissarsiutitut namminersortutut mikinerunngitsutut isigineqannginersut sukumiinerusumik nassuiaaffigineqarput.

3. Pisortanut aningaasaqarnikkut allaffissornikkullu kingunerisassat

Siunnersuutip pisortanut aningaasartuutitigut allaffissornikkullu malunnartumik kinguneqarnissaa ilimagineqanngilaq.

4. Inuussutissarsiortunut aningaasaqarnikkut allaffissornikkullu kingunerisassat

Inatsisini atuuttuni inissiamiit inuussutissarsiutinik mikisunik namminersorfiusunillu ingerlatsinissaq akuerisaavoq, inissiap annerusumik inigisatut atorpeqartillugu. Ataatsimut isigissagaanni inissiami inuussutissarsiummut mikisumik namminersorfiusumut inuussutissarsiuteqarfik inissiap ilaatut taamaallaat annikitsuaraassaaq. Inuussutissarsiutinut mikinerusunut namminersorfiusunut assersuutitut taaneqarsinnaapput kukkuneriusuinermi allaffik mikinerusooq imaluunniit ussasaarinermi allaffik, sullitattut atassuteqarfigisat illumiit anisarlutik, ulluunerani paaqqinnittoq namminersortoq imaluunniit isikkanik passussisoq.

Unnuiffillunilu ullaakkorsiortarfittut (bed and breakfast), gæstehjemmitut imaluunniit tikeraanut ineeqqat, akunnittarfiit, vandrehjemmit , airbnb-itut assigisaallu najugaqartitsisarfinnut ilaangillat.

Siunnersuut inuussutissarsiortut namminersortut mikinerusut pisortat aningaasalersuinerisigut inissiami tapiiffigineqartartumi najugallit inissiamiit anisariaqarnissaannik kinguneqartussaassaaq, anereerunillu inuussutissarsiummik ingerlatsinissaminnut allamik nassaartariaqassallutik, imaluunniit taarsigassarsiaqarsimagunik pisortanut utertitsisussaassallutik.

5. Avatangiisinut, pinngortitamut inuillu peqqissusaannut kingunerisassat

Siunnersuut avatangiisinut, pinngortitamut inuillu peqqissusaannut sunniuteqassanngitsoq nalilerneqarpoq.

6. Innuttaasunut sunniuteqaatissat

Siunnersuut innuttaasunut aningaasatigut allaffissornikkullu sunniuteqassanngitsoq nalilerneqarpoq.

7. Sunniuteqaatissat pingarnerit allat

Siunnersuut innuttaasunut malunnaatilinnik allanik sunniuteqarnaviannngitsoq nalilerneqarpoq.

8. Oqartussat kattuffiillu tusarniaaffinerat

Siunnersuut piffissami 16.08.2024 – 13.09.2024-mut Naalakkersuisut tusarniaanernut nittartagani tamanut tusarniutigineqarsimavoq, tamatuma saniatigut tusarniaaffigineqartartunut ukununnga toqqaannartumik nassiunneqarsimalluni:

Tusarniaanernut akissutini tiguneqartuni pingaarnertut immikkoortut Ilanngussaq 2-mi taaqqinneqarput oqaaseqarfigineqarlutillu.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Erseqqissarneqarpoq inissiat sanaartornissaannut, iluarsartuunnissaannut, pitsanngorsoaffiginissaannut allilernissaannullu taarsigassarsiarineqartut kingunerisussaammassuk inissiaq taarsigassarsisumit taasumalu inoqutigiiivinit imaluunniit attartortumit taassumalu inoqutigiiivinit najugaqarfissatut atornagu siunertanut allanut atorneqarsinnaannginnissaa.

Assersuutigalugu inissiaq atorlugu inuussutissarsiummik ingerlatsisoqarsinnaanngilaq, tassunga inissiamik sanaartornissamat, iluarsartuussinissamat, pitsanngorsoaanissamat imaluunniit alliliinissamat pisortat taarsigassarsianik tunniussaqaarsimatillugit. Inuussutissarsiummi inissiap suliffeqarfittut inuussutissarsiutitut atorneqarnera pineqarpoq, matumani suliffeqarfik sinneqartoorfiulluni imaluunniit amigartoorfiulluni ingerlanneqarneraq apeqqutaanani. Taamaammat inissiaq tamakkerlugu ilaannaaluunniit atorlugu inuussutissarsiummik ingerlatsisoqartillugu taarsigassarsiniartunut itigartitsisoqassaaq.

Inissiami najugallip taassumalu inoqutigiivisa inissiamit inuussutissarsiummik mikinerusumik ingerlatsisinnaanerat matumani mininneqarpoq. Ilumut inissiaq pingaarnertut najugassiatut atorneqarneraq Naalakkersuisut aamma kommunalbestyrelsip naliliiffigissavaat. Nalinginnaasumik inissiami inuussutissarsiummut mikisumik namminersorfiusumut inuussutissarsiuteqarfik inissiap ilaatut taamaallaat annikitsuaraassaaq. Inuussutissarsiutinut mikinerusunut namminersorfiusunut assersuutitut taaneqarsinnaapput kukkunersiuinermi allaffik mikinerusooq imaluunniit ussasaarinermi allaffik, tassani sullitanut attaveqarneq pingaarnertigut illumiit anilluni ingerlanneqartarluni, ulluunerani paaqqinnittoq namminersortoq imaluunniit isikkanik passussisarfik. Inuussutissarsiut namminersorfiusooq mikinerusooq inissiami najugalimmiit taassumalu inoqutigiiivinit ingerlanneqartussaammat sulisussanik sulinerminni inissiamiit ingerlatsisinnaasunik sulisoqaqqusaanaviannigilaq.

Inissiamik pilersuinerup saniatigut inissiap, soorlu unnuiffiullunilu ullaakkorsiortarfittut (bed and breakfast), airbnb-itut, gæstehjemmitut, tikeraartunut ineeqqatut, vandrehjemmitut, airbnb-itut, akunnittarfittut allatulluunniit, siunertanut allanut atorneqarnera, najugaqarfittut atorneqarneratut isigineqassanngilaq. Assinganik assersuutigalugu ineeqqamik suliffeqarfiup sulisut, tikeraartut imaluunniit angalasut inissaqartinnissaannut attartortinneqarnera inissiatut atorneqartussatut ilaasussaannigilaq. Taamatut atuineq inuussutissarsiutigalugu suliffeqarfittut ingerlatsinertut isikkoqarpoq, inuussutissarsiutitullu mikinerusutut isigineqarnani.

§ 2-mut

Imm. 1-imut

Inatsisissatut siunnersuut ulloq 1. januar 2025 atuutilissasoq siunnersuutigineqarpoq.

Imm. 2-mut

Allannguutit Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaatimaluunniit inissianut tapiiffigineqartarnermut taarsigassarsisarneq pillugu inatsisartut inatsisaat imaluunniit inissianut tapiiffigineqartarnermut taarsigassarsisarneq pillugu siusinnerusukkut inatsisaasimasut naapertorlugit taarsigassarsianut pioreersunut Naalakkersuisunit kommunalbestyriniillu tunniunneqartunut atorneqartussaapput.

Allannguutissatut siunnersuutip imarisamigut taarsigassarsianut kommunalbestyrelsimit tunniunneqartunut malittarisassiorfiussimassappat aalajangersagaq taarsigassarsianut Naalakkersuisunit tunniunneqartunut assinganik atorneqassaaq. Naalakkersuisut taarsigassarsianut Naalakkersuisunit tunniunneqartunut, atasunut sulianik suliarinnittarnermik isumaginnittuupput.

Imm. 3-mut.

Allannguinerit Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaatimaluunniit inissianut taarsigassarsititsisarneq pillugu siusinnerusukkut inatsisaasimasut naapertorlugit taarsigassarsiat pillugit neriorsaataasimasunut Naalakkersuisunit kommunalbestyrelsiniillu nalunaarutigineqartunut atorneqassapput.

Allannguutissatut siunnersuut imarisamigut taarsigassarsinissaq pillugu neriorsuutitut kommunalbestyrelsimit nalunaarutigineqartunut malittarisassiorfiussappat taarsigassarsinissaq pillugu neriorsuutitut Naalakkersuisunit tunniunneqartunut assinganik atorneqassaaq. Naalakkersuisut taarsigassarsiat pillugit neriorsuutitut atasunut Naalakkersuisunit nalunaarutigineqartunut sulianik suliarinnittarnissamut isumaginnittuupput.

Siunnersuut inatsisinut atuuttunut assersuullugu	
<i>Oqaasertaliunneqartut atuuttut</i>	<i>Allannguutissatut siunnersuut</i>
	§ 1 Inissianut tapiissuteqartarnermut taarsigassarsisarneq pillugu Inatsisartut inatsisaanni nr. 40, 28. november 2019-imeersumi makkuninnga allannguisoqarpoq:
<p>§ 28, imm. 1, nr. 5. 5) Inissiami ineeqqanik inuussutissarsiutinut atugassamik ilusilersuisoqassaaq imaluunniit inissiamit inuussutissarsiummik ingerlatsisoqassaaq. Taamaattoq inuussutissarsiutit namminersorfiusut mikinerusut ilaatinneqanngillat.</p>	<p>1. § 28, imm. 1, nr. 5, ima oqaasertalerneqassaaq: ” § 28. 5) Inissiaq taarsigassarsisumut imaluunniit attartortumut taassumalu inoqutigiivinut najugaqarfissatut atornagu siunertanut allanut tamakkiisumik ilaannakortumilluunniit atorneqarpat. Taamaattoq inuussutissarsiutit mikinerusut namminersortut taarsigassarsisumit imaluunniit attartortumit taassumalu inoqutigiivinit ingerlanneqartut mininneqarput.”</p>
	§ 2 Inatsisartut inatsisaat 1. januar 2025-mi atuutilissaaq. <i>Imm. 2.</i> Inatsisartut inatsisaanni taarsigassarsiat Naalakkersuisunit kommunalbestyrelsiniillu Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaat imaluunniit Tapersiissutitalimmik inissialiortiternermut taarsigassarsititsisarneq pillugit siusinnerusukkut inatsisaasimasut naapertorlugit tunniunneqartut ilaatinneqarput. <i>Imm. 3.</i> Inatsisartut inatsisaanni taarsigassarsinissanut neriorsuinerit ilaareersut tapersiissutitalimmik

	<p>inissialiortiternermut taarsigassarsititsisarneq pillugu Inatsisartut inatsisaat imaluunniit tapersiissutitalimmik inissialiortiternermut taarsigassarsititsisarneq pillugu siusinnerusukkut inatsisaasimasut naapertorlugit ulloq 1. januar 2025 sioqqullugu tunniunneqartut ilaatinneqarput.</p>
--	---

Ilanngussaq 2

Tusarniaanermut allakkiaq

1. Inissianut tapiissuteqartarnermut taarsigassarsisarneq pillugu inatsisip allanngortinnissaanut siunnersuut tusarniaanermut nittartakkami qallunaatut aamma kalaallisut tamanut saqqummiunneqarsimavoq nittartakkakut www.naalackersuisut.gl 16.08.2024, tusarniaanermut akissuteqarnissamut kingusinnerpaamik 13.09.2024 nal. 12:00-mut piffissalerlugu.

Siunnersuut mail atorlugu 16.08.2024, ullormut 13.09.2024 piffissalerlugu ukununnga nassiunneqarsimavoq:

Nassiussanut allattuiffik:

Naalackersuisup Siulittaasuata Naalackersuisoqarfia (govsec@nanoq.gl)

Aningaasaqarnermut Naligiissitaanermullu Naalackersuisoqarfik (oed@nanoq.gl)

Innuussutissarsiutinut, Niuernermut, Aatsitassanut Naligiissitaanermullu

Naalackersuisoqarfik (isiin@nanoq.gl & asn@nanoq.gl)

Aalisarnermut Piniarnermullu Naalackersuisoqarfik (apn@nanoq.gl)

Isumaginninnermut, Ilaqutariinnut, Suliffeqarnermut Nunamullu Namminermut

Naalackersuisoqarfik (isn@nanoq.gl)

Ilinniartitaanermut, Kultureqarnermut, Timersornermut Ilageeqarnermullu

Naalackersuisoqarfik (ikin@nanoq.gl)

Nunalerinnermut, Imminut Pilersornermut, Nukissiuuteqarnermut Avatangiisinullu

Naalackersuisoqarfik (pan@nanoq.gl)

Meeqqanut Inuusuttunullu Naalackersuisoqarfik (jian@nanoq.gl)

Peqqissutsimut Naalackersuisoqarfik (pn@nanoq.gl)

Kommune Kujalleq (kommune@kujalleq.gl)

Kommuneqarfik Sermersooq (kommuneqarfik@sermersooq.gl)

Qeqqata Kommunua (qeqqata@qeqqata.gl)

Kommune Qeqertalik (qeqertalik@qeqertalik.gl)

Avannaata Kommunua (avannaata@avannaata.gl)

Kalaallit Nunaanni Naalagaaffiup Sinnisoqarfia (ro@gl.stm.dk)

Ineqarnermut Naammagittaalliuuteqartarfik - Atuisoqarnermut Unammilleqatigiinnermullu

Aqutsisoqarfik (aua@nanoq.gl)

Nukissiorfiit (kundeservice@nukissiorfiit.gl)

Nusuka (nusuka2004@gmail.com)

Kalaallit Nunaanni Sulisitsisut (ga@ga.gl)

Kalaallit Nunaanni Politiit (grl-politi@politi.dk og grl-lesek@politi.dk)

SIK (sik@sik.gl)

PK-mut siulittaasoq (formanden@pk.gl)

Mittarfeqarfiiit (mit@mit.gl)

Asiaq (asiaq@asiaq.gl)

AK (aknuuk@ak.gl)

IMAK (imak@imak.gl)

NPK (info@npk.gl)

ASG (asg@asg.gl)

2. Tusarniaanissamut piffissaliussap naanerani siunnersuummut oqaaseqaateqarniatik makku nalunaaruteqarsimapput:

Tusarniaanissamut piffissaliussap naanerani xxxxxxxx-nannga oqaaseqaatit tiguneqarsimapput.

Tusarniaanermut akissutigineqartut tullinnguuttuni suliarineqassapput. Tusarniaanermi akissutigineqartunut ataasiakkaanut Naalakkersuisut oqaaseqaataat naqinnerit equngalaartut atorlugit ersipput.